

Ilisimatusarfimmi Ilinniaatsinut Institutimi kandidatimut ilinniarnert pillugit Namminersornerullutik Oqartussat nalunaarutaat nr. 14, 19. maj 2005-imeersoq Atuussimasoq (Historisk)

Ilisimatusarfik pillugu Inatsisartut inatsisaanni nr. 16-imi, 31. oktober 1996-imeersumi § 18, nr. 1 aamma 2 kiisalu § 19, nr. 3, Ilisimatusarfimmillu innersuussuteqarnek malillugit Naalakkersuisunit aalajangersarneqarput:

Kapitali 1

Ilinniagaqarnerit siunertaat aaqqissugaanerallu.

§ 1. Ilisimatusarfimmi Ilinniaatsinut Institutimi kandidatimut ilinniarnert ilisimatuutut periaatsit, ilisimasat piginnaassutsillu tunngavigalugit pisortat aamma namminersortut suliffeqarfiini, atorfeqarfinni aamma kattuffinni sulinissamut ilinniartut piukkunnassuseqalersissavaat.

§ 2. Naalakkersuisut Ilisimatusarfiup innersuussineratigut akuerissavaat ilinniagassat suut iluini, piffissallu qanoq sivisutigisup iluani, nalunaarut una malillugu ilinniagaqarnerit neqeroorutigineqarsinnaanersut.

§ 3. Ilisimatusarfimmi Ilinniaatsinut Institutimi kandidatimut ilinniarnert atorfeqarfiit / ilinniarfiit allat ilinniarnernik ingerlaqqiffiusunik assingusunik ingerlataqartut suleqatigiissutigisinnaavaat, tassunga atatillugu akuerineqarsinnaalluni ilinniarfinni allani taamatut suleqatigiiffiusuni ilinniarnertup ingerlanneqarsinnaaneri.

§ 4. Ilisimatusarfimmi Ilinniaatsinut Institutimi kandidatimut ilinniarnert ilinniartup ukiuni pingasuni ilinniarnertat sivilissuseqarput.

Imm. 2. Ilinniartup ukiuni ataatsimi ilinniarnera tassaavoq ilinniartup ukiuni ataatsimi sulinera.

Imm. 3. Ilinniartup ukiuni ataatsimi ilinniarnera 60 pointinik naleqarpoq European Credit Transfer System (ECTS-points) naapertorlugit.

§ 5. Kandidatimut ilinniarnert Ph.D.-gradimik angusaqarniarluni ukiuni pingasuni ilisimatusarnermik taperneqarsinnaapput.

§ 6. Ilisimatusarfimmi Ilinniaatsinut Institutimi ilinniarnertup ilinniartut fagit/ilinniakkat innersuussutigineqartut ilisimasassartaannik imaluunniit ilisimasassartaasa teoriivini taakkunanilu periaatsinik tamatigoortumik paasisimasaqalersissavai pisinnaalersissallugillu sammisanik nassuiaasinnaalernissamut, oqaatiginnissinnaalernissamut, paasiniaaqqissaarsinnaalernissamut ilinniaqqinnissamut imaluunniit inuussutissarsiummik ingerlatsisinnaalersinneqarnermut tunngavissinneqarluni.

§ 7. Kandidatimut ilinniarnert ilinniartut ilinniartitsisumut, professionsbachelorimut aamma

bachelorimut ilinniarnermi ilisimaligaat ilaartussavaat aammalu suleriaatsinut teorimullu tunngasutigut piginnaassusii kiisalu paasissutissiisinnaassusiat nammineersinnaassusiallu annertusassallugit.

Kapitali 2

Ilinniarnernut qinnuteqarnissamut piunasaqaatit

§ 8. Kandidatimut ilinniarnissanut qinnuteqarnissamut piunasaqaataavoq qinnuteqartup meeqqat atuarfianni ilinniartitsisumut, naleqquttumut professionsbachelorimut, naleqquttumut akunnattumik sivisussusilimmik ingerlaqqiffiusumik ilinniarnermut imaluunniit naleqquttumut akademisk bachelorimut ilinniarsimanissaa.

Imm. 2. Ilinniagassat aaqqissuunneqarneranni aalajangersarneqassapput, professionsbachelorimut ilinniarnert suut, akunnattumik sivisussusilimmik ingerlaqqiffiusumik ilinniarnert suut imaluunniit akademisk bachelorimut ilinniarnert suut kandidatimut ilinniarnissanut isissutaasinnaanersut.

§ 9. Qinnuteqartut ilinniartitsisumut imaluunniit naleqquttumut akunnattumik sivisussusilimmik ingerlaqqiffiusumik ilinniarnermut ilinniarsimasut ilinniarnertik semesterimi siullermi aallartittassavaat.

Imm. 2. Qinnuteqartut pædagogik-imi diplomimut, professionsbachelorimut imaluunniit akademisk bachelorimut ilinniarnermik naammassinnissimasut ilinniarnertik semesterini pingajuanni aallartittassapput.

Imm. 3. Qinnuteqartut masterimik ilinniarnermik naammassinnissimasut ilinniarnertik semesterini tallimaanni aallartittassapput.

§ 10. Ilisimatusarfimmi rektori studienævni inassuteqarneratigut ilinniarnerni ilinniartunngornissamut qinnuteqartunut akuersissuteqartassaaq. Qinnuteqartut kikkut akuerineqassanersut nalilerniarnerni qinnuteqartumit immikkut isiginiarneqartassapput

- 1) ilinniarsimassutsikkut piginnaasat,
- 2) suliffeqarnikkut misilittakkat aamma
- 3) ilinniarnermut qinnuteqarnermi tunngavilersuutit.

Kapitali 3

Ilinniakkat imassaata aaqqissuunneqarnissaallu

§ 11. Kandidatimut ilinniarnertik tassaapput ilinniartitsisumut ilinniarnermik, professionsbachelorimik ilinniarnermik, naleqquttumik akunnattumik sivisussusilimmik ingerlaqqiffiusumik ilinniarnermik imaluunniit naleqquttumik akademisk bachelorimik ilinniarnermik ingerlaqqiffiupput.

§ 12. Kandidatimut ilinniarnermi ilaavoq namminersuutaasumik annertujaamik allaaserisaqarneq (specialeqarneq), pædagogikkimi ilinniakkap iluani annertujaamik allaaserisaqarsinnaaneq (specialeqarneq) imaluunniit namminersuutaasumik annertujaamik allaaserisaqarneq (specialeqarneq) atuarfiup iluani atuartitsissutit qanitariissut tallimaasut ilaannit ataatsimit toqqagaq imaluunniit

immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarnermit toqqagaq.

Imm. 2. Specialikkut uppersarnerqassaaq ilinniartup ilinniakkamut tunngasunik ilisimasaqarnera aamma piginnaasaqarnera ilinniakkaminullu killiliilluni qulequtamik aalajangersimasumut tunngasunik sammisaqarnermini ilisimatuutut teoriinik periaatsinillu atuilluarsinnaanera.

Imm. 3. Specialimik allaatiginnineq killilerneqassaaq suliarinera naammassineqarsinnaangorlugu ukiumut sammisat suliarisarnerisa affaattut sivisutigisumik. Speciali pillugu erseqqinnerusumik aalajangersakkat ilinniarnep aaqqissuunnerani aalajangersarnerqassapput.

Imm. 4. Specialimi allaatigisassaaq ilisimatusarfimmi ilinniaatsinut Institutimit akuerineqartassaaq, qaqugulu tunniunneqarnissaa tassanissaaq aalajangerneqartassalluni.

§ 13. Tamatigoortumik pædagogikkimi kandidatimut soraarummeersimasunut taaguutit akuerineqarpoq candidatus imaluunniit candidata pædagogix (cand. pæd.).

Imm. 2. Tamatigoortumik pædagogikkimi kandidatimut ilinniarnep ilinniagassap pædagogikkip iluani 180 ECTS pointinik ilisimatusarnertut naleqarpoq.

§ 14. Didaktikkimi kandidatimut ilinniarnep ilinniagassap pædagogikkip iluani ilisimatusarneruvoq atuarfimmi atuartitsissutit qanitariissut tallimat akornanni ataatsimi atuartitsissutit akimorlugit imaluunniit immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarnermik ilisimatusarnermik taperneqarsimasoq. Didaktikkimi kandidatimut soraarummeersimasunut taaguutit akuerineqarpoq candidatus imaluunniit candidata pædagogix (cand. pæd.).

Imm. 2. Didaktikkimi kandidatimut ilinniarnep ilinniagassap pædagogikkip iluani 60 ECTS pointinik ilisimatusarnertut naleqarpoq aamma atuarfimmi atuartitsissutit qanitariissut tallimat akornanni ataatsimi atuartitsissutit akimorlugit imaluunniit immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarnermik 120 ECTS pointinik didaktikkimi ilisimatusarnertut naleqarluni.

§ 15. Ilinniartut kandidatimut ilinniarnep soraarummeernep 60 ECTS pointinik naleqartunik naammassisaqarsimasut akademisk diplomit ilinniarnep naammassinnissimasut uppersaarummi allagartartaartinneqarsinnaapput.

Imm. 2. Ilinniartut tamatigoortumik pædagogikkimi 60 ECTS pointinik pissarsisimasut akademisk diplomit allagartamik tunineqarsinnaapput.

Imm. 3. Ilinniartut ilinniagassap pædagogikkip iluani 20 ECTS pointinik pissarsisimasut aamma atuarfimmi atuartitsissutit qanitariissut tallimat akornanni ataatsimi atuartitsissutit akimorlugit imaluunniit immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarnermik ilisimatusarnermik 40 ECTS pointinik pissarsisimasut didaktikkimi akademisk diplomit allagartamik tunineqarsinnaapput.

Imm. 4. Ilinniartut ilinniagassap pædagogikkip iluani 20 ECTS pointinik pissarsisimasut aamma atuarfimmi aqutsinermik ilinniakkanik 40 ECTS pointinik pissarsisimasut atuarfimmi aqutsinermik akademisk diplomit allagartamik tunineqarsinnaapput. Tuluttut: Academic Diploma in School Administration.

§ 16. Ilinniartut tamatigoortumik pædagogikkimi 120 ECTS pointinik pissarsisimasut tamatigoortumik

pædagogikkimi masteritut ilinniarnermik naammassinnissimasutut allagartamik tunineqarsinnaapput.

Imm. 2. Ilinniartut ilinniagassap pædagogikkip iluani 40 ECTS pointinik pissarsisimasut aamma atuarfimmi atuartitsissutit qanitariissut tallimat akornanni ataatsimi atuartitsissutit akimorlugit imaluunniit immikkut ittumik atuartitsineq aamma allatut immikkut perorsaanikkut ilinniartitsinikkullu ikorsiisarnermik ilisimatusarnermik 80 ECTS pointinik pissarsisimasut didaktikkimi masteritut ilinniarnermik naammassinnissimasutut uppersaammik allagartartaartinneqarsinnaapput.

Kapitali 4.

Naliliineq

§ 17. Kandidatimut ilinniagaqarnerni pisinnaasassatut angusat misilitsinnikkut uppersarneqassapput, tamakkununga suliassiissut specialillu nalilerneqarnerat ilanngullugit.

Imm.2. Ilinniagaqarnerit ilaat imarisamikkut aaqqissuusaanermikkullu soraarummeerutissaqqinngitsut uppersaaserneqarsinnaapput ilinniartup ilinniarnermi peqataaneratigut imaluunniit allaatigisaqartinneratigut. Taamaalioarsinnaaneq ilinniagaqarnerup aaqqissuusaanerani malittarisassiuunneqassaaq.

Imm. 3. Misileeriaatsini sianigineqassaaq ilinniartitsinerup siunertaa aammalu ilinniartut tamarmik immikkut naliliivigineqarnissaat.

§ 18. Kandidatimut ilinniarnerni misilitsinnerit avataaneersumit nalileeqaataaffigineqartassapput, uppersaaserneqarlutillu. Misilitsinnerit ilinniakkat imaat annertuut, problemstillingit sammineqarsimasut aammalu periaatsit atorineqarsimasut tamakkiisumik misiliiffigissavaat.

Imm. 2. Misilitsinnerit nalilerneqassapput soraarummeersitsisumit (-sunit) nalileeqaataasumillu (-sunillu) ilinniartitaanermut pisortaqarfiup toqqagaanit nalilerneqassapput.

Imm. 3. Karakteriliiniarnermi soraarummeersitsisoq (-sut) nalileeqaataasorlu (-sullu) kisimik najuussinnaapput.

Imm. 4. Sulilluni sungiusarneq angalaarlunilu misissuinerit ilinniagassat aaqqissuunneranni malittarisassat najoqqutaralugit uppersarneqassapput.

§ 19. Naliliinermi atorineqassaaq 13-skala takuuk karakteriliisarnermi naleqassutsinik tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 9. april 2001-imeersoq.

§ 20. Misilitsinnerit aaqqissuunneqassapput inuit ataasiakkaarlutik misilitsinnerisut.

Imm. 2. Kisianni ilinniagassat aaqqissuunneranni aalajangerneqarsinnaavoq misilitsinnissat aalajangersimasut ilaat aaqqissuunneqartassasut inunnit arlalinnit ataatsimut suliarineqartussatut, ataatsimut naliliiffigineqaatigisassaannik.

Imm. 3. Arlallit misilitsinnermik suleqatigiinnerat imatut aaqqinneqassaaq misilitsittut tamarmik immikkut nalilerneqarsinnaasunngorlugit.

Imm. 4. Ilinniagassat aaqqissuunneranni aalajangersarneqassaaq taamatut inuit arlallit misilitsissinnaaneranni amerlanerpaamik qassit peqataasinnaanersut.

§ 21. Inuit arlallit suleqatigiillutik oqaluttarissanik soraarummeersinneqarnerat ingerlanneqarsinnaavoq

ilinniartut, soraarummeersitsisoq (-sut) aamma nalileeqaataasussaq (-sat) oqaloqatigiissillugit.

Peqataasut tamarmik immikkut soraarummeersinneqarnerat ilaasassaaq.

Imm. 2. Inuit arlallit suleqatigiillutik allattarissanik soraarummeersinneqarneranni inuup ataatsip suliaa malugineqarsinnaassaaq, suleqatigiillu tamarmik immikkut naliliiffigineqartassapput. Taamaattorli ilinniagassat aaqqissuunneranni aalajangerneqassaaq suleqatigiit tamarmik immikkut naliliiffigineqarnerat pisinnaassasoq allaatigisaq tunngavigalugu itisilerilluni oqaloqatigeereermermi. Taava immikkut naliliiffiginninneq pissaaq oqaloqatigiilluni soraarummeersitsineq tunngavigalugu.

Imm. 3. Ilinniagassat aaqqissuunneranni aalajangersarneqarsinnaavoq specialimi allaatigisaq oqaloqatigiissutissanngortinneqartassanersoq. Taamaassagaangat taava naliliineq pisassaaq allaatigisamik oqaloqatiginnermillu ataatsimut qanoq isiginninneq tunngavigalugu.

§ 22. Misilitsinnerit naliliiffigineqarnerilluunniit allat tamarmik immikkut angusiffigineqassapput.

Misilitsinnerit angusiffiusut misilitseqqiffiusinnaanngillat.

Imm. 2. Ilinniartuq amerlanerpaamik pingasoriarluni kandidatinnigorniarnermut misilitsinnissanut naliligassanullu aallanut akuerineqarsinnaavoq. Ilisimatusarfiup sisamassaaneernissaq immikkut pissutissaqartillugu akuerisinnaavaa.

§ 23. Soraarummeernissamut allakkatigut nalunaartarnissaq kingusinnerpaamik pisassaaq soraarummeernissap nalunaarfigisap aallartiffissaa qaammammik ataatsimik sioqqullugu. Ilinniartup nammineerluni misilitsiffissaminut nalunaarnissani akisussaaffigaa.

Imm. 2. Soraarummeernissamik nalunaarutigeriikkamik taamaatitsiniarneq allakkatigut nalunaarutigineqassaaq kingusinnerpaamik soraarummeernissap ullulerneqarfia sapaatip-akunnerinik marlunnik sioqqullugu. Soraarummeerumanani nalunaarneq taassumanga kingusinneruppat soraarummeersussarlunniit malittarisat malillugit iluamik nalunaarsimanani takkutinnngitsoorpat, tamanna angusinngitsoorluni soraarummeernertut nalilerneqassaaq.

§ 24. Kinaluunniit Ilisimatusarfimmi Ilinniaatsinut Institutimi ilinniartitsisutut akuerisaaq aamma tassani soraarummeersitsisinnaavoq.

Imm. 2. Ilisimatusarfimmi Ilinniaatsinut Institutimi soraarummeersitsisinnaaneq ilitsersuisinnaanerlu immikkut pissutissaqartillugu soraarummeersitsisussamut ilitsersuisussamullu avataaneersunut nalunaarutigisinnaavai.

§ 25. Soraarummeerneq kalaallit, qallunaat imaluunniit tuluit oqaasii atorlugit ingerlanneqarsinnaavoq. Ilisimatusarfimmi Ilinniaatsinut Institutilli piumasarisinnaavaa soraarummeerneq oqaatsit pingasut taaneqartut arlaannaat atorlugit ingerlanneqaqqullugu soraarummeersitsisussap imaluunniit nalileeqaataasussap oqaatsit allat atorsinnaanngippagit.

Imm.2. Ilisimatusarfimmi Ilinniaatsinut Institutilli soraarummeerniartuq allakkatigut qinnuteqarpat aalajangersinnaavaa Ilisimatusarfimmi Ilinniaatsinut Institutip oqaatsit piumasarisaaq allaanerisut atorneqarsinnaasut. Qinnuteqaat Ilisimatusarfimmi Ilinniaatsinut Institutimit tigu neqareersimassaaq soraarummeersitsisussat allattorsimaffiata tamanut saqqummiunneqarneranni kingusinnerpaamik ullut arfineq-marluk kingorna.

§ 26. Ilisimatusarfimmi Ilinniaatsinut Institutimi soraarummeernerit nalinginnaasumik pissassapput juunimi januaarimilu.

Imm. 2. Ilisimatusarfimmi Ilinniaatsinut Institutip akuerisinnaavaa misilitsinnerit, aamma napparsimalluni misilitsinnissaq, soraarummeernerup nalinginnaasumik piffissaata saniatigut pisinnaasut.

Imm. 3. Napparsimaneq pissutigalugu soraarummeernissamik qinnuteqaatit tamarmik nakorsap nalunaarutaanik uppersaataitaqassapput, kingusinnerpaamik soraarummeerfissaagaluq ullunik sisamanik kingoqqullugu tunniunneqarsimasussanik.

Imm. 4. Napparsimaneq pissutigalugu immikkut soraarummeernissaq taamaallaat akuerineqarsinnaavoq soraarummeertussaq

- 1) soraarummeerfissamini napparsimasutut nalunaarutigineqarpat,
- 2) soraarummeernerup nalaani napparsimalerpat,
- 3) napparsimanini pillugu soraarummeerianngitsoorpat, imaluunniit
- 4) nammineq napparsimanermi saniatigut immikkut illuinnartumik uppersarneqarsinnaasumik pissuteqarluni soraarummeerianngitsoorpat.

Imm. 5. Napparsimalluni soraarummeerneq soraarummeernissamut soraarummeerniartup nalunaarfigisimasaraluanut taarsiuttutut nalilerneqassaaq.

Soraarummeersimanermut uppersaata

§ 27. Ilisimatusarfimmit soraarummeerneq naammassineqartoq pillugu uppersaata atsiorneqassaaq. Uppersaataip inussaata aqqa oqartussaasorlu atsiuisoq pillugit paasissutissanik imarisami saniatigut minnerpaamik imarissavai:

- 1) taaguut soraarummeernikkut atorneqarsinnaalersoq,
- 2) ilinniagassat misilitsiffigineqartut,
- 3) naliliussat anguneqartut,
- 4) ilinniakkat ilagisaat allatut uppersaateqartinneqartut,
- 5) ilinniakkami ataatsimi ilinniarnermi qanoq peqataatigineq,
- 6) misilitsinnerit allami qaqisiffigisimasat kiisalu
- 7) ilinniagaqarnerup taaguutaa kalaallisut, qallunaatut aamma tuluttut.

Imm. 2. Soraarummeersimanermut uppersaata allassimassaaq kalaallisut, qallunaatut tuluttullu.

Imm. 3. Ilinniarkinut arlalinni naammassillugit ilinniarsimanernut ataatsimoortumik uppersaata allagarserneqassaaq ilinniarkinut ilinniagaqarnerup immikkoortuata kingulliup naammassineqarfigisaanit.

Imm. 4. Ilinniartumut, ilinniarnernik naammassinagu qimatsisussamut, ilinniagaqarnerup ilaanut qaqisiffigisanut uppersaata Ilisimatusarfimmi Ilinniaatsinut Institutip atsiussavaa.

Kapitali 5

Ilinniagassat aaqqissuunneqarnerat

§ 28. Ilisimatusarfik ilinniagassat ataasiakkaat pillugit ilinniagassat aaqqissuunneqarneranni malittarisassaliussaaq, tak. Ilisimatusarfik pillugu Inatsisartut inatsisaat nr. 16, 31. oktober 1996-imeersoq, § 11, imm. 1 aamma § 14, imm. 3 aamma imm. 4.

Imm. 2. Ilinniagassat aaqqissuunneqarneranni malittarisassaliorneqassapput

- 1) ilinniagaqarnerup ilaasa ataasiakkaat anguniagassartaat, imarisassat sivisussusissaallu,
- 2) ilinniartitseriaasissat, tamakkununnga ilanngullugu sulilluni sungiusarneq ilaatinneqassanersoq,
- 3) kursusernerit tulleriiaarneranni pituttusimaffiusinnaasut,
- 4) soraarummeernissamut piumasarisat immaqalu misilitsittarnerit aalajangersimasumik inissinneqassanersut,
- 5) misileeriaatsit (sivisussusissat, nakkutilliisoqartitsineq, allattarissanik angerlaallugit suliaqarneq, najoqqutassaqartitsineq, piareersarfissat, misilitseqqittarnerit, akuleriissitsinissamut periarfissat il.il.),
- 6) nalileeriaatsit, tamakkununnga ilanngullugit misilitsinnerit suut karakterilerneqartassasut, kiisalu allattariarsornerni naliliinissamut piffissamik killiliisarnissat,
- 7) misilitsinnerit qassiusarnissat misilitsinnernilu ataasiakkaani karakteriliussanik nalilersuisarneq,
- 8) speciali,
- 9) ilinniartup ilinniarnissamut piffissarititap iluani Ilisimatusarfiunngitsumi ilinniartitsissutinik sammisaqarnissamut periarfissaqartinneqarsinnaanera, aamma
- 10) soraarummeernermut atuarsimasassat aalajangersarneqarnissat imaluunniit atuarsimasassanut missingersuusiornissaq, kiisalu soraarummeernernut atasumik atuarsimasassanik aalajangiivinnissamut piffissaliussassat.

Imm. 3. Ilisimatusarfirmi Ilinniaatsinut Instituti ilinniagassat aaqqissuunneqarneranni malittarisassanit taamaallaat ilinniarfimmit aalajangersarneqarsimasunit allaasumik iliortoqarnissaanik akuersisinnaavoq.

Imm. 4. Ilinniagassanik aaqqissuussinissaq atortussanngortinneqartinnagu ilinniagassanillu aaqqissuussinermik annertuumik allanngortitsisoqartillugu ilinniarfiup ilinniartunik tigusissussat sinniisuat, tassunga ilanngullugu nalileeqaataasartut siulittaasuat, atassuteqarfigissavai. Ilinniarfiit allat ilisimatinneqassapput ilinniakkami imaluunniit ilinniakkani pineqartuni ataqatigiissaarinissaq eqqarsaatigalugu.

Imm. 5. Ilinniagassanik aaqqissuussinerit taakkunanilu annertuumik allanngortitsinerit atortuulertassapput ukiup ilinniarfiusup aallartinnerani.

Imm. 6. Ilinniagassanik aaqqissuussinerit ilinniagassanillu aaqqissuussinernik allanngortitsinerit ilinniartitaanermut pisortaqarfimmut, ilinniarfinnut allanut nalileeqaataasartunullu paasissutissatut nassiunneqassapput.

§ 29. Ilisimatusarfirmi Ilinniaatsinut Institutip tamatigut imaluunniit ilinniagassat aaqqissuunneqarneranni aalajangersakkatigut nalinginnaasutigut akuerisinnaavaa nalunaarut manna malillugu uppenarsaateqartunik misilitsinnerit, ilinniarfirmi allami qaqisiffiusut, ilinniarfirmi misilitsinnernut naligititaanissaat.

Imm. 2. Ilisimatusarfirmi Ilinniaatsinut Institutip tamatigut imaluunniit ilinniagassat aaqqissuussaaneranni aalajangersakkatigut nalinginnaasutigut akuerisinnaavaa Danmarkimi imaluunniit nunami allami ilinniarfirmi qaffasinnerusumi fagip imaluunniit ilinniagassap iluani ilinniagaqarnerup ilaanik naammassisimasat ilinniagassat ilaannut nalunaarummi matumani ilaatinneqartunut taarsiunneqarsinnaanerat.

Imm. 3. Ilinniagaqarnerup ilaanik imm. 2-mi taaneqartunik naliliinerit nuunneqartassapput Angusinertut imaluunniit 13-skala malillugu karakterisut, tak. § 20. 13-skala malillugu karakterinik

nuutsisoqarsinnaavoq ilinniakkap ilaa pineqartoq ilinniarfinni arlariinni skala taanna malillugu nalilerneqarsimappat ilinniarfiillu pineqartut allatut isumaqatigiissuteqarsimangippata.

Kapitali 6

Malittarisassanit immikkoortumik akuersinissaq, naammagittaalliorneq atortuulerrissarlu.

§ 30. Ilinniartitaanermut Pisortaqarfiup nalunaarummit matumanga allaassuteqartitsinissaq misiliinermut ilaasumik akuersinnaavaa. Tamanna peqatigalugu misiliinissap sivilissusissaa qanorlu nalunaarusiortarnissaq aalajangersarneqassapput.

Imm. 2. Ilinniartitaanermut Pisortaqarfik nalunaarummi uani aalajangersakkanit allatut iliortoqarnissaanut akuersinnaavoq pissutsinik nalinginnaanngitsunik patsiseqartumik.

§ 31. Nalunaarut una malillugu Ilisimatusarfimmi Ilinniaatsinut Institutip aalajangiineri pillugit naammagittaalliuutit Ilisimatusarfimmut tunniunneqassapput. Ilisimatusarfiup aalajangiineri pillugit naammagittaalliuutit inatsisiliornermut tunngasuugaangata Naalakkersuisunut suliassanngortinneqarsinnaapput, Ilisimatusarfik pillugu Inatsisartut inatsisaanni nr. 16-imi, 31. oktober 1996-imeersumi § 23 naapertorlugu.

§ 32. Nalunaarut una atortuulerrpoq 20. maj 2005-imi.

Namminersornerullutik Oqartussat, ulloq 19. maj 2005.

Hans Enoksen

/

Lise Lennert Olsen